

大同府志卷之一

大同府知府吳輔宏纂輯

沿革

中古以來言地理者或解釋經典或撰述方志穿鑿附會頗失其真顏氏師古論之詳矣周禮職方并州已非禹貢九州之舊漢分天下為十三州置刺史以統郡并州依舊名不改厥後增置州郡日以采多且所隸之州隋與晉殊晉與漢異唐之雲中郡直為僑置又非秦漢舊壤洎遼升雲州為大同府迄今因之則今名所自昉也夫州縣有時而更山川終古不易俯仰推尋禹迹斯

大同府志

卷之一

沿革

一

在今攷歷代史家地志迹其因革廢興之由並著於篇仰見我

國家畫野分疆捐益前代之制為盡善云志沿革

大同府地表

按五代史職方表以梁唐晉漢周為經二百八十七州為緯今仿其意而變通之凡

叙次歷代作橫格州郡縣作豎格格分為三日總部曰郡國曰州縣古以州統郡郡統縣故上列州次郡次縣後之曰道曰路曰布政司於古為州曰府曰路於古為郡與叙州郡同而軍衛鎮附見焉凡郡縣名先書者今府所治也古縣名不錄者今府境所無或闕疑也

總部

郡國

州縣

唐

冀州

虞

并州

		北魏			魏晉			東漢		大同府志 卷之一 沿革 一一				漢		秦	周	商	夏	
		恒州 <small>代司都州</small>	幽州		并州	幽州		并州			幽州				并州			并州	冀州	冀州
繁峙郡	梁城郡	代郡	代郡	新興郡	鴈門郡	代郡	雲中郡	鴈門郡			代郡 <small>國代</small>	定襄郡	雲中郡	鴈門郡	代郡	雲中郡	鴈門郡	<small>趙代國國</small>	代國	
崞山	參合 裋鴻	武周城 永固	平舒 太平	雲中 定襄	平城 涅陶 崞	<small>高柳 平舒</small> 馬城 <small>北平邑</small> 東安陽	沙南 成樂 武進	劇陽城 崞陰館 涅陶	東安陽 平邑 平舒	馬城柳 參合 靈邱	成樂 武進	沙南	劇陽城 崞陰館 涅陶							

				國朝		明				大同府志	元			金			宋			
				山西布政司		山西布政司 <small>司行都</small>	興和路	上都路		卷之一	河東山西道			西京路			雲中府路			
				大同府		大同府		宣德府蔚州		沿革	大同路	撫州 <small>軍鎮寧</small>	蔚州 <small>軍忠順</small>	應州 <small>軍彰國</small>	大同府	蔚州	應州	雲中府	應州 <small>軍彰國</small>	蔚州 <small>軍忠順</small>
			豐鎮廳	廣靈	應州	大同	天成衛	靈邱	大州	四	懷仁	大同	豐利	柔遠	廣靈	金城	天城	大同	大城	靈邱
			陽高	天鎮	懷仁	懷仁	陽和衛	廣靈	高天威		渾源州	白登	集寧	集寧	靈邱	山陰	白雲	中宣	雲中	廣陵
			天鎮	靈邱	山陰	宣德衛	高山衛	渾源州	威寧		應州	宣寧			渾源	懷仁	宣寧	仁寧	河陰	河陰

大同府

府境於禹貢屬冀州 史記夏本紀禹相山川之便利自

冀州始常衛既從大陸既為鄭氏曰地理志恒水出恒

山索隱曰恒山恒水皆作常避漢文帝諱故也常水出

常山上曲陽縣東入涖水 恒山涖水俱在今府屬渾源州境

周職方屬并州 周禮職方氏河內曰冀州正北曰并州

其鎮曰恒山藪曰昭餘祁川曰虘池嘔爨顏師古註嘔

爨出平舒漢地理志代郡平舒縣有祁爨水 平舒今渾源州及廣

靈縣地

春秋所云代國戰國時屬趙 路史代子爵商同姓 史

大同府志

卷之一

沿革

五

記趙世家子晰告趙簡子曰主君之子將克二國於北

皆子姓也 正義曰謂代及智氏 及簡子卒毋卹立是為襄子襄子

北登夏屋使宰人操銅料擊殺代王遂興兵平代地武

靈王既破樓煩林人攘地北至燕代西至雲中九原

秦置雲中鴈門代郡 史記始皇本紀二十六年初并天

下從廷尉李斯議分天下為三十六郡始以郡監縣漢

書地理志雲中鴈門代皆秦置

漢幽州代郡并州雲中定襄鴈門郡 高帝元年項羽徙

趙王歇為代王二年陳餘迎代王歇還趙歇立餘為代

王三年韓信張耳擊斬餘獲趙王歇置代郡六年以雲

中鴈門代郡五十三縣爲代國十一年代遷於晉陽以

代之雲中以西爲雲中郡十二年分雲中地置定襄郡

地理志定襄郡高帝置元封五年初置刺史部十三州見前漢書帝紀幽

并依舊名不改見晉書鴈門雲中定襄屬并代屬幽見漢書地

地理志

後漢鴈門雲中代郡 建武二十七年令大尉趙熹典邊

事復緣邊諸郡見後漢書

省幽并二州入冀 建安十八年復禹貢九州見後漢書帝紀時

省幽并州以其郡國并於冀州見獻帝春秋

始集塞下荒地立新興郡 建安二十年省雲中定襄五

大同府志

卷之一

沿革

六

原朔方郡置一縣領其民合以爲新興郡見魏志

魏復置并州 黃初元年改易郡國縣邑見魏志復置并州

見晉書

晉幽州代郡并州鴈門新興郡 晉書太康初分天下爲

十九州部幽州統郡國七代郡隸焉并州統郡國六鴈

門新興隸焉惠帝永興以後代沒於石勒鴈門新興爲

劉淵所有地理志

封拓拔猗盧爲代公地入北魏 拓拔猗苞救東瀛公騰

有功并州刺史劉琨表其弟猗盧爲代郡公見晉書劉琨傳以

封邑去國懸遠民不相接從琨求勾注陁北之地乃徙

馬邑陰館陰館今山陰應州地樓煩繁峙崞崞今渾源州地五縣之民於

陘南晉書懷帝紀作新興更立城邑盡獻其地建興元年代公猗

盧城盛樂以為北都修故平城以為南都今大同府治更南

百里於灑水之陽黃瓜堆今名黃花岡築新平城咸寧三年

代王翳槐城新盛樂城在故城東南十里五年代王什

翼犍移都雲中之盛樂宮六年代築盛樂城於故城南

八里太元十一年代遷於盛樂見魏書

北魏司州代都後改恒州領代梁城繁峙高柳北靈邱等

郡 天興元年自雲中徙都平城徙六州二十二郡守

宰豪傑吏民二千家於代都見魏書帝紀孝文帝改為司州

大同府志 卷之一 沿革 七

牧置代尹遷都洛邑置萬年尹又置恒州見遼史按食貨

志天興初制定京邑東至代郡西及善無南極陰館北

盡參合為畿內之田今惟善無屬朔平其東南北三面

皆隸府境

北齊置北恒州 天保七年併省天下州郡見齊書文宣紀廢恒

州為恒安鎮尋復見遼史地理志有安遠臨塞威遠臨陽等郡

屬北恒州見隋書地理志

北周改為朔州 建德六年平齊見周書武帝紀復恒安鎮改朔

州見遼史地理志置北朔總管府見周書武帝紀後齊安遠臨陽威遠

臨塞等郡並廢見隋書地理志

隋朔州馬邑郡雲州定襄郡代州鴈門郡 隋書地理志
開皇初置朔州總管府五年置雲州代州總管府大業
初府廢改朔州爲馬邑郡雲州爲定襄郡代州爲鴈門
郡

唐雲州雲中郡代州鴈門郡蔚州興唐郡屬河東道單于
大都護府別屬關內道 武德元年改隋馬邑郡雲內
之恒安鎮置北恒州七年廢貞觀元年因山川形便分
天下爲十三道雲蔚代等州屬河東道龍朔三年置雲
中都護府麟德元年更名單于大都護府屬關內道永
淳三年徙其民於朔州十八年復置雲州 見唐書地理志 天寶

大同府志

卷之一

沿革

八

元年改雲中郡乾元元年曰雲州 見遼史地理志

會昌三年以

雲蔚諸州爲大同道罷屬河東置都團練使治雲州乾
符三年升爲大同節度使中和二年改大同節度爲鴈

門節度四年雲州復隸河東道 見唐書

五代唐大同軍節度應州陞爲彰國軍 同光三年復以

雲州爲大同軍節度使 見遼史地理志 應州故屬大同軍節度

明宗應州人也天成元年置彰國軍 見五代史職方考

遼西京大同府 此大同府得名之始 蔚應二州屬西京道 遼史會

同元年晉遣趙瑩奉表獻十六州并圖籍 太宗紀 大同來

屬初爲大同軍節度重熙十三年陞爲西京府曰大同

統州二縣七 地理志

宋置雲中府路 宋史宣和三年始得雲中府武應朔蔚奉聖歸化儒媯等州所謂山後九州也四年置雲中府

路 地理志

金西京路大同府 金史天會六年宗翰取西京 太宗紀 皇

統元年以西京路隸元帥府舊置兵馬都部署司天德二年改置本路都總管府後更置留守司轉運使及西

京路提刑司大同府撫州應州蔚州並隸西京 地理志

元改西京為大同路應渾源等州隸焉蔚州別隸上都路

宣德府天成威寧二縣別隸興和路 元史太祖七年

大同府志

卷之一

沿革

九

西京被圍 太祖本紀 初置警巡院至元二十五年改西京為

大同路領錄事司一縣五州八州復領縣並屬河東山

西道宣慰使司 地理志 明史元河東山西道宣慰使司治

大同路

明山西承宣布政使司大同府 明史洪武二年左副將

軍常遇春取大同 太祖紀 改路曰府領州四曰渾源應朔

蔚縣七曰大同懷仁山陰馬邑廣靈廣昌靈邱並隸山

西等處行中書省四年置大同都衛治白羊城八年改

為山西行都指揮使司二十五年徙治大同府初領衛

二十六後領十四曰大同前後左右陽和天城威遠平

魯雲川玉林鎮魯與天城同治高山與陽和同治宣德東勝朔州衛治

州城安東中屯衛寄治應州城不在此數九年改行中書省為承宣布政使

司地理志

國朝因之曰大同府隸山西布政使司領州四曰朔應渾

源蔚縣七曰大同倚郭懷仁馬邑山陰廣靈廣昌靈邱仍

以朔州領馬邑應州領山陰蔚州領廣靈廣昌靈邱與

明制同順治五年姜瓖變移府治陽高衛時已併陽和高山二衛為

一曰陽和府八年總督佟養量疏請還治大同雍正三

年陽高天鎮二衛俱改為縣析朔州馬邑隸新設之朔

平府即大同右衛六年以蔚州歸直隸宣化府廣靈廣昌靈

大同府志 卷之一 沿革 十

邱三縣仍屬大同十年復析廣昌縣歸直隸易州十三

年邊外新設之豐川衛鎮寧所屬隸府治乾隆十五年

改併豐川鎮寧二衛所為豐鎮廳於是大同府所統州

二縣七廳一

大同縣倚郭

周大同川地戰國趙雲中縣 遼史地理志大同縣本大

同川地析雲中地置雲中縣趙置按唐書地理志中受

降城西二百里大同川有天德軍天寶十三載置乾元

後徙屯永濟柵故大同城也元和九年李吉甫奏修復

舊城此在長城之外距今縣七百餘里然後之名軍名

府名縣實肇始於此

漢爲鴈門郡之平城縣 漢書地理志平城東部都尉治
莽曰平順按高帝紀七年擊韓王信於代至平城被圍
卽此郡國志平城註亦言前書高帝被圍白登去縣七
里

魏晉皆爲平城縣屬鴈門郡 晉書地理志魏黃初元年
復置并州至晉因而不改統郡國六縣四十五鴈門郡
有平城縣

北魏平城縣屬恒州代郡 按魏書穆帝修故平城爲南
都天興元年自雲中徙都平城見帝紀天興中置司州

大同府志

卷之一

沿革

十一

代都平城平城二漢晉屬鴈門後屬代郡見地形志是
北魏代郡之平城卽二漢鴈門郡之平城也

北齊太平縣之恒安鎮 按隋書地理志後魏立平齊郡
尋廢後齊改曰太平縣後周改雲中開皇初改雲內遼
史地理志高齊文宣帝廢恒州爲恒安鎮其文蓋互見
當爲太平縣之恒安鎮猶唐書地理志雲中下云本隋
馬邑郡雲內之恒安鎮也又按魏代郡有太平縣見地
形志縣名非自齊始

北周改曰雲中屬朔州 隋書地理志後齊太平縣後周
改曰雲中遼史地理志周復桓安鎮改朔州按雲中縣

二漢屬雲中郡魏晉屬新興郡北魏雲中併入定襄皆非今縣地大同之稱雲中昉於此

隋改雲內縣隸馬邑郡 隋書地理志雲內後周雲中縣

開皇初改有紇真山在今縣北五十里白登山今名馬舖山在縣東七里武

周山在今縣西二十里濕水即桑乾河由今應州入縣境按遼金元史地理

志有雲內州當在今朔平府平魯縣西非此雲內

唐置定襄縣復改雲中屬雲州雲中郡 唐地理志雲中

縣本隋馬邑郡之恒安鎮貞觀十四年置定襄縣永淳

元年廢開元十八年復置更名東有牛皮關今縣東六十里有牛皮

嶺皮明一統志大同城西北二十八里有定襄城

大同府志

卷之一

沿革

十二

五代唐仍為雲中縣隸雲州大同軍 按五代史職方考

雲州下不列縣名第云州縣凡唐故而廢於五代及縣

之割隸今因之者皆列以備考其餘不足書是雲中仍

舊可知

遼始置大同縣

此大同縣得名之始

隸西京 遼史地理志重熙十

七年析雲中縣置按唐鎮北大都督府有大同縣屬關

內採訪使距今大同甚遠

金仍為大同縣大同府治 金史地理志大同倚遼析雲

中置金因之有方山

在今縣北五十里

岐王山

在今縣北九十里

如渾

水

源出塞外由陽高開山口入縣境流入桑乾河

九省雲中入大同 元史地理志大同倚郭至元二年省西縣入焉按元時大同路無雲中縣則西縣當指雲中卽今左雲以西地所謂雲西也

明仍爲大同縣屬大同府 按明史地理志大同倚北有方山西北有雷公山東有紇真山又東北有白登山又西有大河南有桑乾河西北有金河紫河又西有武州山又東有玉河南有十里河北有威寧海子又有孤店開山虎峪白陽等口俱在東北又北有猫兒莊今開山虎峪在陽高界白陽在天鎮界威寧海子猫兒莊在豐鎮界大河在朔平府界金河紫河俱在朔平邊外

大同府志

卷之一

沿革

十三

國朝因之順治五年移治西安堡

在懷仁縣境

九年復還倚郭

編戶舊三十六里今一十四里

懷仁縣

府西南六十里

漢沙南縣地 漢書地理志雲中郡有沙南郡國志同遼史地理志懷仁縣本漢沙南縣省志云沙南在漢屬雲中郡今大同乃雲中東境懷仁在大同府西南與漢鴈門郡之涅陶爲近按水經注桑乾枝水又東流通結兩湖俗謂之南池池北對涅陶縣之故城今懷仁縣東南十五里高鎮子堡舊爲鎮子海已涸疑卽古南池也

北魏縣廢 遼史地理志元魏葛榮亂沙南縣廢按晉魏

書俱不見沙南縣是東漢末已併爲雲中一縣屬新興

郡非廢於元魏也魏都平城今府治西及善無今朔州南極

陰館今山陰應州今縣治在府治西南六十里當在魏畿內

隋置大利縣屬定襄郡 遼史地理志沙南廢隋開皇二

年移雲內於此大業二年置大利縣屬雲州改屬定襄

郡 按隋書地理志大利縣有長城陰山紫河在今朔

平府西北邊外懷仁要隸雲內縣地

唐雲中縣地五代唐因之隸雲州 遼史地理志奉義縣

析雲中置後唐武皇與太祖會此按唐書沙陀傳五代

史唐本紀遼史太祖紀皆載會雲中事惟遼史地理志

大同府志

卷之一

沿革

十四

云會於雲州之東城又曰恒安鎮今謂之東城是東城

卽奉義縣而懷仁更在其西實則遼以前皆爲雲中縣

地也又按五代史載唐大順五年李克用攻赫連鐸於

雲州遼史地理志懷仁縣下亦言克用敗鐸於此蓋唐

雲中郡僅領雲中一縣其地廣遠遼之大同天成白登

奉義懷仁俱從此析

遼置懷仁縣

此懷仁縣得名之始

隸西京大同府 遼史懷仁縣本

隋大利縣遼改金史地理志懷仁縣遼析雲中置

金陞爲雲州 金史地理志貞祐二年陞懷仁縣爲雲州

有黃花嶺錦屏山清涼山金龍山早起城日中城

元仍改懷仁縣 金史地理志大同路領縣五懷仁爲下縣

明隸大同府調安東中屯衛後所守禦 明史地理志壤仁在大同府西南西有清涼山西南有錦屏山南有桑乾河西南有偏嶺等口按明史地理志永樂元年置東勝中前後三千戶所於懷仁等處守禦省志舊志皆作安東中屯衛後所與正史異

國朝因之曰懷仁縣仍隸大同府順治十六年所裁併歸縣編戶舊九里今八里

山陰縣

府西南一百四十里

大同府志

卷之一

沿革

十五

漢鴈門郡陰館縣東漢末縣廢 漢書地理志陰館景帝後三年置累頭山治水所出莽曰富代郡國志陰館勾注山在縣卽鴈門山按治水一名灤水卽桑乾河今自馬邑流入縣境鴈門在今縣西南代州界

北魏置神武郡又立平齊郡 隋書地理志神武郡後魏置省志云平齊郡在今大同府山陰界按魏書崔道固傳顯祖時徙青齊士望數百家於桑乾立平齊郡於平城西北北新城當卽北魏所城新盛樂對灤陽黃瓜堆之新平城言故曰北其後徙治京城西南二百餘里舊陰館之西當在今山陰馬邑間而山陰北四十里有黃

花嶺卽古黃瓜堆則爲新平城地無疑

北齊改爲太平郡後周廢 按隋書地理志後魏神武郡
後齊改曰太平後齊太平縣後周改曰雲中是郡爲今
山陰縣爲今大同

隋爲神武縣隸馬邑郡 隋書地理志神武縣有桑乾水
唐縣廢地屬神武軍 按唐書地理志鴈門北有神武軍
後改大同軍省志云屬朔州馬邑郡以馬邑於大同軍
城置也

五代唐爲寰州地 遼史地理志寰州隸彰國軍省志唐
明宗置寰州縣境隸焉

大同府志

卷之一

沿革

十六

遼爲河陰縣屬應州 遼史地理志應州河陰縣本漢陰
館縣地初隸朔州清寧中來屬按縣在桑乾之南水南
曰陰故曰河陰其後更名山陰以在復宿山之北

金更名山陰

此山陰縣
得名之始

後陞忠州 金史地理志山陰本

名河陰大定七年以與鄭州屬縣同故更焉貞祐二年
五月升爲忠州有黃花嶺桑乾河

元復爲山陰縣 元史地理志山陰縣至元二年併入金
城後復置省志云初隸渾源州按史志應州領二縣金
城山陰不言隸渾源渾源州舊領渾源一縣後省入州
亦無領山陰之說

明屬大同府應州 明史地理志山陰在應州西南北有桑乾水

國朝因之曰山陰縣仍隸大同府應州雍正八年直屬大同府編戶舊七里今六里

應州 府南一百二十里

漢置陰館縣隸鴈門郡 遼史地理志應州治金城縣本漢陰館縣地漢末廢爲陰館城按北史穆帝從并州刺史劉琨求勾注陁北地乃徙陰館等縣人於陁南是陰館縣晉時尚存應州續志謂漢涅陶劇陽二縣地

晉鴈門郡廣武縣地 見省志按晉書廣武鴈門郡所治

大同府志

卷之一

沿革

十七

今山陰縣西南百餘里代州界有廣武城距應州甚遠又按涅陶廢縣在應州西一統志涅陶在山陰縣東劇陽在應州東北據此亦當爲涅陶縣地時劇陽已廢北魏隸神武郡 見省志舊志餘詳註山陰縣下北齊改隸太平郡 見省志後周郡廢置陰城縣 見省志舊志

隋廢陰城爲神武縣地隸馬邑郡按遼史地理志應州金城縣本陰館縣地

唐置金城縣後改應州 此應州得名之始明一統志以龍首鴈門二山南北相應故名

按遼史地理志金城縣唐武德中置後改應州顧新舊

唐書皆不載誠如州續志所言元地理志亦因唐書無考僅據五代史沙陀事蹟多在應州誤以爲唐末置耳當從遼志

五代唐升爲彰國軍 五代史職方考應州故屬大同軍節度唐明宗卽位以其應州人也乃置彰國軍

遼仍爲應州彰國軍領金城渾源河陰三縣 遼史地理志應州統縣三治金城縣北龍首山南鴈門兵事屬西京都部署司

金領金城山陰渾源三縣治金城 金史地理志金城晉故縣有黃瓜堆復宿山桑乾河渾河崞川水黃花城

大同府志

卷之一

沿革

十八

元領金城山陰二縣仍治金城 元史地理志應州領縣二金城州治所

明省金城縣入州州仍領山陰屬大同府又置安東中屯衛 明史地理志洪武初以州治金城縣省入北有桑乾河西有小石口東南有湖峪口南有茹越口又有北婁大石等口安東中屯衛寄治州城

國朝因之曰應州仍隸大同府領山陰一縣順治十六年裁衛併入州雍正八年不領縣與山陰並屬大同府編戶舊二十里今仍舊

渾源州

府東南一百二十里

漢平舒崞二縣地分隸代鴈門二郡 漢書地理志代郡
平舒有祁彝水莽曰平葆鴈門崞莽曰崞張按祁彝水
一名嘔彝川今在州東南五十里下流爲唐河又州西
二十里橫山左側有故崞縣

東漢歷魏晉不改 後漢書郡國志晉書地理志平舒仍
隸代郡崞仍隸鴈門

北魏爲畿內地後置崞山縣屬繁峙郡 魏書地形志繁
峙郡天平二年置崞山二漢晉曰崞屬鴈門後改屬明
一統志云屬神武郡

北齊改北顯州北周廢 詳見下

大同府志

卷之一

沿革

十九

隋初爲平口縣後改崞隸鴈門郡 隋書地理志東魏置
廓州有廣安永定建安三郡後齊改北顯州後周廢開
皇十年改縣曰平口大業初改爲崞縣省志舊志州志
皆謂隋崞縣其初爲平口縣卽兩漢以來崞縣舊地按
平口縣名已見於北周書馮遷傳若北齊書庫翟盛傳
以肆州平口縣爲食邑當卽北魏永安郡之平口非隋
改崞縣者隋崞縣有崞山見地理志今代州之崞縣西
南二十五里有崞山距渾源遠甚水經注崞縣故城王
莽之崞張也縣南面恒岳右背崞山今恒岳在州南二
十里州西二十里有橫山南北橫亘如城故崞縣在其

左橫山疑卽崞山州志云山形如郭故名肇於西漢至後唐徙築今城不爲無據第晉末已徙崞縣民於陘南更立城邑則故崞縣本在鴈門關北兩漢晉初崞縣及北魏之崞山皆今州境而隋唐以後之崞則爲今代州屬縣矣

唐置渾源縣

此渾源得名之始舊志云因八水合而渾流故名

屬應州後唐改爲

渾元徙築今城

遼史地理志渾源縣唐置有渾源川

卽今渾源河在州西北十里

按五代史唐家人傳廢帝后劉氏應州

渾元人源

卽渾源

而縣名不見職方考非五代所置故不備

列與金城同例况遼志應州陞彰國軍明著爲後唐而

大同府志

卷之一

沿革

二十

此云唐置疑亦置自唐初也金史曰晉縣者承後唐言後唐避明宗諱故曰渾元

遼仍爲渾源縣屬應州

遼史地理志渾源縣在應州東

南一百五十里

金升爲渾源州

此渾源置州之始

仍置縣在郭

金史地理志渾

源晉縣貞祐二年升爲州元史地理志渾源縣今升爲州仍置縣在郭併置司候司

元初改縣曰恒陰後省入州

元史地理志至元四年省

渾源縣入州明一統志元初改渾源縣爲恒陰縣

明隸大同府調安東衛中前二所分守

明史地理志渾

南有恒山東有五峯山又南有翠屏山滌水出焉
又北有桑乾河西南當作西北有渾源川又東有鸞嶺關南
有瓷窑口

國朝因之曰渾源州仍隸大同府順治十六年所裁併歸
州編戶舊一十四里今仍舊

靈邱縣府東南二百七十里

漢置靈邱縣此靈邱縣得名之始因趙武靈王墓故名屬代郡 漢書地理志

代郡靈邱滌河東至文安入大河并州川按史記趙世家敬侯二年敗齊於靈邱惠文王十四年攻齊取靈邱孝成王七年以靈邱封楚相春申君即所取齊地皆與

大同府志

卷之一

沿革

二十一

今縣無涉武靈數出境遊獵卒葬此未嘗置縣至漢高帝十一年冬太尉勃入定代地明年追斬陳豨於靈邱即今縣地蓋自趙武靈葬後歷秦楚垂九十九年漢興始置邑名焉宋起鳳辨之甚詳

東漢及晉縣省 漢書郡國志晉書地理志代郡無靈邱縣

北魏復置靈邱縣屬北靈邱郡 魏書地形志北靈邱郡天平二年置領靈邱莎泉二縣食貨志靈邱以麻布充稅張黎傳世祖詔黎領兵一萬二千人通莎泉道

北齊省莎泉縣八靈邱 見隋書地理志按水經注滋水

導源莎泉今滋水在縣西南五里枚廻嶺莎泉在廣靈縣西三十里

北周析置大昌縣靈邱仍舊 見隋書地理志

隋北靈邱郡廢縣屬蔚州後改隸鴈門郡 隋書地理志
靈邱後魏置郡後齊省莎泉縣入焉後周置蔚州又立
大昌縣開皇初郡廢縣併入焉大業初州廢按此則魏
之莎泉爲今靈邱後周之大昌卽元置蔚昌者爲今蔚
州而北齊及隋之靈邱縣則兼有今縣及蔚州地也

唐仍置靈邱縣屬蔚州 唐書地理志武德六年置靈邱
縣寄治陽曲七年寄治繁峙八年寄治秀容貞觀五年

大同府志

卷之一

沿革

二十一

復故地爲蔚州治縣有直谷關孔嶺關大安鎮

遼隸蔚州忠順軍 遼史地理志石晉獻地升蔚州爲忠
順軍靈邱縣東北至州一百八十里

金升爲成州 金史地理志靈邱晉縣貞祐二年四月升
爲成州四年割爲代州支郡

元仍爲靈邱縣隸上都路宣德府蔚州 元史地理志上
都路領宣德府府領蔚州州領縣五靈邱爲下縣

明隸大同府蔚州 明史靈邱蔚州西南東南有隘門山
西北有槍峯嶺嘔彘水出焉又有枚廻嶺滋水出焉

國朝因之曰靈邱縣仍隸大同府蔚州雍正六年以蔚州

歸直隸宣化府縣直屬大同府編戶舊十里今九里

廣靈縣

府東南二百四十里

漢延陵平舒二縣地屬代郡東漢延陵縣省 漢書地理

志代郡有延陵平舒郡國志代郡有平舒按史記趙孝

成王十八年延陵鈞率師從相國信平君助魏攻燕徐

廣曰代郡有延陵縣是卽路史所謂延陵有五其一在

代者也今縣西十里有平水村疑卽平舒故城舒水音

近之訛

晉爲平舒縣仍屬代

北魏懷荒禦倚二鎮地 見省志舊志按魏書懷荒禦倚

大同府志

卷之一

沿革

二十三

六鎮之二永安中以二鎮改置蔚州寄治并州鄆縣界
非故地矣

隋唐爲鎮州 見遼史地理志舊志從之按唐鎮州卽隋

恒山郡爲今直隸眞定府與廣靈無涉廣靈遼析靈仙

置見金史靈仙唐興唐縣見遼史唐興唐郡本隋鴈門

郡之靈邱上谷郡之飛狐地見唐書以今攷之飛狐爲

廣昌靈仙爲蔚州廣靈兼有興唐靈邱縣地唐地理志

靈邱有直谷關今名直谷口在廣靈縣南十五里路通

靈邱此其証也

五代唐置廣陵縣 遼史地理志廣陵縣本漢延陵縣後

唐同光初分興唐縣置

遼仍爲廣陵縣屬蔚州 省志云廣陵縣遼統和三年析靈仙縣置見金志後唐析興唐爲廣陵見遼志二史不合遼志又云晉改興唐爲靈仙是廣陵分縣在靈仙未名之先也按遼史聖宗紀統和十三年置廣靈縣與金史遼統和三年置廣陵又不合

金改廣靈縣

此廣靈縣得名之始

仍隸西京路蔚州

金史地理志

廣靈亦作陵

元改隸上都路宣德府蔚州 元史地理志蔚州領縣五
廣靈爲下縣

大同府志

卷之一

沿革

二十四

明隸大同府蔚州 明史地理志廣靈縣州西少北北有九層山東南有豐水又西南有滋水北有平髓關西南有林關口

國朝因之曰廣靈縣仍隸大同府蔚州雍正六年以蔚州歸直隸宣化府縣直屬大同府編戶舊九里今八里

陽高縣

府東一百二十里

漢平城縣白登臺地 通典雲中有白登臺漢武自將待邊處按杜氏據唐縣言故曰雲中

北魏置高柳郡屬恒州 魏書地形志高柳郡永熙中置領安陽高柳二縣按漢書景帝中三年中尉魏不害屯

高柳塞今縣北開山口搯風崖地近之省志云隸司州
爲平城北境縣在府東少北當爲平城東北境其迤北
則爲高柳郡也

隋爲雲內縣地 隋書地理志雲內縣有白登山

唐爲雲中縣地 唐書地理志雲中縣有青坡道按青坡
道卽今雲門山在縣北十里

遼置長青縣隸西京大同府 遼史地理志長青縣本白
登臺地漢高帝於白登被圍七日卽此遼始置縣有青
坡梁元帝橫吹曲云朝跋青坡暮上白登在京東北一
百一十里

大同府志

卷之一

沿革

二十五

金改白登縣 金史地理志白登縣本名長青大定七年
更有白登臺採掠山按白登山在今縣東南二十五里
白登村南二十里乃白登縣遺址採掠山在縣西八十
里大同界

元仍爲白登縣屬大同路 元史地理志白登下縣至元
二年廢爲鎮尋復置

明縣廢置陽和衛徙高山衛合之屬行都指揮使司 明
史地理志陽和衛元白登縣洪武初縣廢二十六年置
衛宣德元年徙高山衛來同治北有鴈門山鴈門水出
焉南有桑乾河按水經注鴈門水出鴈門山逕高柳縣

故城北鴈門水爲今南洋河發源於陽和後口附翠屏山麓疑翠屏卽鴈門山距代州鴈門甚遠

國朝順治三年併爲陽高衛此陽高得名之始五年移大同府來

治升爲陽和府八年府還治大同仍爲陽高衛雍正三

年改爲陽高縣此陽高置縣之始隸大同府編戶十里

天鎮縣府東北一百八十里

漢平邑縣屬代郡 省志云平邑故城在天鎮按漢書地

理志代郡有平邑郡國志代郡有北平邑卽史記趙獻

侯十三年所城平邑也水經注濕水東逕巨魏亭北又

東崞川注之又東逕班氏縣南如渾水注之又東北逕

大同府志

卷之一

沿革

二十六

平邑縣城南又東逕沙陵南又東逕猗氏縣故城北又

東逕道人縣故城南又東逕陽原縣故城南又與洋河

水合崞川卽今渾源河循州城西北流至應州界又折

而北入桑乾如渾水卽今玉河由陽高縣開山口流入

大同界東南流又折而南至高家店入桑乾則巨魏亭

當在應州北界班氏縣當在大同南界平邑當在今南

川諸村北矣今桑乾河由陽高東流入縣境至小鹽場

入直隸西寧縣又東至保安州境與洋河合則陽原當

在西寧猗氏道人俱當在縣南迤東西漢代郡領縣十

八以今地界覈之高柳東安陽近陽高延陵平舒近廣

靈馬城且如參合近豐鎮皆與縣境毗連今縣南七十里有大古城門疑卽古平邑城也

北魏置廣牧縣 遼史魏道武帝置廣牧縣按漢朔方郡有廣牧晉改屬新興郡朔方在河西新興在陘南距今縣境甚遠魏書地形志廣牧屬朔州附化郡卽漢五原郡地永和中徙朔方來治者在今府西北朔平邊外不當越代郡平城而東又按魏六鎮之柔元在天鎮縣東北邊外其西卽撫冥見一統志當爲今豐鎮廳界省志以廣靈天鎮俱爲懷荒禦倚二鎮地蓋廣靈天鎮僅隔火燒嶺一牆也

大同府志

卷之一

沿革

二十七

隋縣廢置玉泉驛 見縣志按玉泉驛隋史無考

唐置天成軍

亦作天城

一統志天成軍今天鎮縣治按唐書

地理志蔚州東北有橫野軍乾元元年徙天成軍合之而廢橫野軍沙陀傳赫連鐸攻天城軍李克用引軍夜入雲州戰却之是天城爲雲州近境元和志所云雲州東至天城六十里可証以里數覈之不當爲今縣境又攷唐改雲中郡爲雲州與徙天成軍同在一年雲州東六十里之天城軍卽橫野軍今天鎮乃其未徙時故地遼史又以天成爲唐定襄縣武德五年置按唐書定襄縣貞觀十四年置與遼史不合遼時亦有天成軍非西

京地

五代唐為雲中縣地隸大同軍 見省志縣志

遼析置天成縣隸西京大同府 遼史地理志析雲中置

在京北一百八十里

金天成縣仍隸大同府 金史天城遼置

元天成縣隸興和路 元史地理志興和路領天成元初

隸宣德府中統三年來屬

明縣廢置天成衛徙鎮魯衛合之屬行都指揮司 明史

地理志天成衛元天成縣屬興和路洪武四年改屬大

同府縣尋廢二十六年置衛後徙鎮魯衛來同治桑乾

大同府志

卷之一

沿革

二十八

河在南南洋河在北即鴈門水

國朝順治三年併為天鎮衛此天鎮得名之始 雍正三年改為天

鎮縣此天鎮置縣之始 隸大同府編戶十里

豐鎮廳府城北一百里

漢代郡且如馬城高柳縣地定襄郡成樂武進縣地 按

漢書且如縣有于延水武進縣有白渠水水經注于延

水逕且如縣故城南又東南逕馬城縣故城北今名東

洋河源出天鎮邊外金史太宗子杲傳天輔五年復取

西京杲率大軍趨白 灤疑即古白渠水也漢定襄郡

治盛樂省志云即元魏北都遼金元之豐州當在今歸

化城左右及考金志大同縣有盛樂城不言在豐州竊意大同之盛樂城北魏始祖所遷穆帝所居道武登國元年所幸所謂定襄之盛樂者乃西漢故縣而昭成所都道武登國十年所幸所謂雲中盛樂宮者卽永興中置盛樂郡地在今歸化城界距豐鎮尙遠魏天賜三年北巡豺山宮遂登定襄角史山又幸馬城是時已都平城車駕循京北而西而東正在今豐鎮界內又今陽高縣開山口迤北爲古高柳塞近漢高柳縣地故魏書道武紀云屯于延水南出代谷會賀麟於高柳地本連屬以今地界覈之馬城在天鎮邊外高柳在陽高邊外成

大同府志

卷之一

沿革

二十九

樂武進在大同邊外且如在正黃旗察哈爾南界然不可盡考矣

東漢且如縣省成樂武進改屬雲中郡高柳馬城仍屬代見漢書郡國志

北魏梁城高柳郡地屬恒州北境又北爲柔元撫冥二鎮

魏書地形志梁城郡領參合裋鴻二縣高柳郡領安

陽高柳二縣按水經注如渾水出涼城疑卽梁城旋鴻疑卽裋鴻

縣今府城東北八十里有如渾水源出塞外葫蘆海高

柳二漢屬代郡說見前高柳故城附近有參合陂一統

志柔元故鎮在天鎮縣東北邊牆外按魏書孝文紀太

和十八年幸柔元鎮通鑑注曰柔元鎮在漢且如縣西北塞外其西卽撫冥鎮今考其地應在豐鎮境暨正黃旗察哈爾之間又西則爲懷朔鎮非豐鎮界
唐置單于大都護府 唐書地理志本雲中都護府龍朔三年置麟德元年更名尹耕曰單于都護府置在雲中而永淳間復徙瀚海都護府於雲中爲雲中都護府是雲中有兩都護府 或曰瀚海所徙史文曰古雲中單于府所置但曰雲中是其時有新舊兩城明一統志亦言新雲中在今大同府北郭外古雲中在豐勝之間相去四百餘里按此則豐鎮當爲新雲中地

大同府志

卷之一

沿革

三十

遼大同天成長青三縣北境兼有德州撫州地 遼史地理志德州領宣德縣本西德店地開泰八年置在今寧遠界撫州今張家口西界遼秦國大長公主建見金史地理志豐鎮西鄰寧遠東接張家口南屏大同陽高天鎮皆遼西京北境也

金撫州西境大同宣寧二縣東北境 金史地理志撫州鎮寧軍明昌三年置承安二年升爲節鎮領柔遠集寧豐利威寧四縣按柔遠縣有雙山鴛鴦灤得勝口明史大同北有威寧海子興和所西有集寧路雲州堡西北有鴛鴦泊威寧口在陽高西北七十里得勝口在大同

北八十里雙山在天鎮縣東北六十餘里新平邊外皆豐鎮境意豐川衛卽豐利故縣鎮寧所亦昉於鎮寧軍也又按金志宣寧縣卽遼宣德縣有彌陀山在今大同西北九十里拒牆堡北東西袤百里北連口外

元高原威寧二縣寶昌一州屬興和路 元史興和路金撫州屬西京元中統三年以郡爲內輔升隆興路後更名見地理志太祖七年南伐取豐利等縣寶昌桓撫等州見太祖紀按桓州在上都西又西爲興和路又西北爲寶昌州以今邊界考之獨石口外爲上都其西爲桓州張家口之西豐鎮之東爲撫州而寶昌則在察哈爾

大同府志

卷之一

沿革

三十一

南界也又按興和路領高原懷安天成威寧四縣天成卽天鎮縣廳在天鎮西北邊外當爲興和路西北境又西則爲大同路之東北境

明初屬興和守禦千戶所後廢 明史地理志興和所洪武三十年置永樂二十年徙治宣府衛城而所地遂虛宣德衛洪武二十六年置後廢按興和所卽元興和路西有集寧路西北有寶昌州又有高原縣洪武中並廢所謂大同興和塞外諸郡已廢爲邱墟明初僅置衛所正統間英宗北狩時諸衛所什伍虛耗盡皆徙置其後大同陽和天城各邊皆爲邊衝至嘉靖間叛人邱富等

居豐州築城自衛號曰板升宣寧卽宣德衛在今豐鎮
寧遠間而寧遠爲多

國朝初係蒙古察哈爾正黃正紅旗遊牧地其南毗連民
地者爲太僕寺牧廠雍正三年以地土閒曠招民墾種
歸直隸宣化府張家口理事同知管理十三年經大同
鎮總兵李如栢 奏山西口外多有產礦山場聚匪滋
事張家口廳鞭長莫及請設衛所員弁彈壓稽查奉部
議准十三年經山西巡撫覺羅石麟 奏准於新平路
邊外地名高廟子設立豐川衛得勝路邊外地名衙門
口設立鎮寧所衛設守備一員所設千總一員隸大同

大同府志

卷之一

沿革

三十一

府管轄乾隆十五年因口外種地民人生齒日繁事務
較多復經山西巡撫阿里衮 奏明將豐川衛鎮寧所
裁汰改設豐鎮廳以大同府分防陽高通判移駐管理
二十一年改爲滿洲蒙古旗缺三十年經察哈爾都統
奏請將太僕寺空出牧廠餘地東自哈檀和碩西至
十八兒太迤長二百餘里召民認墾三十三年將通判
一缺改爲同知仍隸山西大同府

大同府志卷之一終